

第十三册

河水八 光緒十六年至二十三年

再續行水金鑑

丹德署纂



再續行水金鑑卷第一百二十八

河水編年七十五

光緒十六年正月壬戌(三十一日)准吳大澂回籍省親以河南巡撫倪文蔚暫行兼署河東河道總督

德宗實錄

二月初一日張曜奏爲報銷挑挖黃河淤灘動用經費銀兩事竊照山東黃河前因鄭工漫決水勢斷流淤墊更甚當經臣奏請挑挖將辦理情形以及工竣日期先後奏報在案茲據河防局司道詳稱自曹州府至利津縣海口千里長河節節淤墊灣曲之處積淤尤高逐段抽溝作川字形每溝一道面寬五丈底寬三丈深六七丈至一丈不等視停淤之多寡定挑挖之淺深遴委正佐各員按照原估丈尺土方分派段落催募民夫與營勇通力合作上游濮州與直隸開州連界之處因十三年夏間河流旁溢正河淤成平陸相度形勢在於郭寨董口各開引河一道此項工程係臨時添辦不在原估之列據承辦各員將用過土方工價報由該局逐細核明除營勇做工不支方價外統計挖淤並挑引河共用實銀八十一萬三千八百五十五兩零奉撥經費銀八十九萬兩尙存節省銀七萬六千一百四十四兩零均係實支實用並無扣存成平其節省銀兩遵照奏案儘數撥作修培金隄並金隄尾閘接築大隄工價另案報銷造具總細各冊加具印結呈請奏咨前來臣覆核無異 奉硃批該部議奏 山東河工成案

是日張曜奏爲報銷光緒十四年黃河下游防汛經費銀兩事（前略）查十四年鄭工決口未合黃流雖未全注東境而六月間開放引河時當伏汛來源洶湧加以雨水山水衆流匯注修防不容稍懈迭奉諭旨飭令整理各工以備鄭工堵合水勢暢行入海復經遵照將兩岸臨河埽壩擇要加廂妥爲預備防汛弁勇人等亦均照常分派會將辦理情形隨時據實奏報茲據河防局司道詳稱核計十四年廂修埽段建蓋堡房需用工料價值及防營員弁勇夫土夫人等口分總分各局委員鹽糧等項共請鈔銀三十一萬一千七百八十四兩零均係實支實用並無扣存成平臣覆加查核並無浮冒情弊山東河工成案

是月癸酉（初三日）諭吳大澂奏援案請撥防汛銀二十七萬兩著倪文蔚飭令藩司照章分撥 清錄宗實錄 按往年初次添撥來年防汛銀俱爲二十五萬兩此次多撥二萬兩

是月口口日張曜奏爲遵旨估計山東黃河應辦各工需用經費懇請飭部籌撥以應工用謹繪圖繕單恭摺具陳事竊臣欽奉上諭張曜奏力籌山東黃河應辦各工請派大臣來東勘辦一摺等因欽此跪聆之下仰蒙皇上訓誨周詳任臣至專責臣至重下忱感激倍切悚惶惟有竭盡庸庸上報知遇之隆竊維前河臣靳輔所奏督撫爲朝廷養民而河臣勞之督撫爲朝廷理財而河臣糜之故從來河臣得謗最多等語如臣庸愚兼辦河防既鮮理財養民之效而屢請鉅款辦此至難之河務此臣不能不兢兢畏懼者也此次籌修籌防總期先儘必不可緩之工竭力興辦當飭道員張上達李希杰會同工部主事梁廷棟將應辦工程覆加勘估計兩岸隄埝加高培厚齊河以下北岸添設大壩水門減洩

盛漲並於隄埵之間挑挖小河放水引入徒駭河各工核實估計謹繕清單恭呈御覽惟計工程浩大需款既鉅不獨籌撥維艱人力亦有不逮擬分爲兩年辦理至海口現在較前通暢冰解以後定於二月初六日興工將韓家垣以至海岸添築兩隄束水俾黃流不至散漫可期入海有力惟此段三十餘里隄工築竣之後卽須添派勇夫分段防守從來河流滾刷多係淤灘爲患疏濬積淤實與築隄束水相輔而行惟水中挑挖人力難施前派河南候補道魏綸先購造機器挖泥船二隻上年試用甚爲得力此項機船在上海購造每隻工料需銀一萬八千兩擬再在上海先行購造八隻隨時疏濬較爲迅速統計本年興辦各工需用經費二百八十八萬五千餘兩查上年勘估應培隄埵款項尙有二十三萬三千四百餘兩未經撥到尙未加培應歸入本年加培照數劃除外尙應請撥銀二百六十四萬七千餘兩仰懇天恩飭部如數籌撥現屆各工亟需興辦待款孔殷若悉由各省分撥解到需時並懇飭部先行核撥庫款若干以期迅速臣當督飭河防局司道及在工人員核實動用不容絲毫虛糜統俟工竣分款造具細冊報部核銷其次年尙應幫寬隄埵各工估計需銀一百四十餘萬兩本年隄堰旣已加高是否足資抵禦可毋庸再行加高之處此時尙難懸揣河流緩急時有不同淤墊淘刷亦時有變遷當俟本年霜清以後察看情形再行奏明辦理 謹將估計增培隄埵添建石壩水門挑溝購船暨護城隄工需用經費繕具清單恭呈御覽

一 濮州范縣濰縣張陽穀東阿五州縣金隄共長二萬六百五十八丈計一百一十四里一百三十八丈原修及歷次加培共高七尺節次被淤現存壑高五尺頂寬二丈今加寬六丈每丈土三十方加高八尺收頂二丈五尺每丈土四十二方二共土七十二方統共用土一百四十八萬七千三百七十六方每方照章計銀一錢五分

八釐七毫三絲共合銀二十三萬六千九十一兩 一金隄尾間接築大隄計長三千二百四十丈計十八里原築高一丈二尺被
淤二三四尺不等現存牽高九尺頂寬二丈今加寬三丈每丈土二十七方加高四尺收頂二丈五尺每丈土十五方二共土四十
二方統共用土一十三萬六千八十方每方計銀一錢五分八釐七毫三絲共合銀二萬一千五百九十九兩查原奏擬接連金隄
添築格隄至圍城埧計長二十三里現在察看地勢仍從金隄尾間舊築橫隄加高培厚合併陳明 一濮范兩州縣臨黃隄共長
一萬六千七百一十五丈計九十二里一百五十五丈原築高一丈節次被淤現在牽高七尺頂寬一丈六尺今加寬三丈每丈土
二十一方加高五尺收頂二丈五尺每丈土一十七方七分五釐二共土三十八方七分五釐統共用土六十四萬七千七百六方
每方計銀一錢五分八釐七毫三絲共合銀十萬二千八百一十兩 一壽張陽穀兩縣臨黃隄共長九千二百一十四丈五尺計
五十一里三十四丈五尺原築及加培共高一丈二尺節次被淤現存牽高八尺頂寬二丈今加寬三丈每丈土二十四方加高四
尺收頂二丈五尺每丈土十五方二共土三十九方統共用土三十五萬九千三百六十五方共合銀五萬七千四十二兩 一北
岸東阿平陰肥城長清齊河五縣大隄共長三萬三千七百四十一丈二尺計一百八十七里八十一丈二尺原築及歷次加培共
高一丈二三尺不等節次被淤現在牽高八尺頂寬二丈今加寬三丈每丈土二十四方加高五尺收頂二丈五尺每丈土十八方
七分五釐二共土四十二方七分五釐統共用土一百四十四萬二千四百三十六方每方計銀一錢五分八釐七毫三絲共合銀
二十二萬八千九百五十七兩 一北岸利津縣民埧改隄長一萬一千九百二十四丈九尺計六十六里四十四丈九尺原築及
歷次加培共高一丈三尺節次被淤現存牽高九尺頂寬二丈今加寬三丈每丈土二十七方加高五尺收頂二丈五尺每丈土一
十八方七分五釐二共土四十五方七分五釐統共用土五十四萬五千五百六十四方共合銀八萬六千五百九十七兩 一南
岸長清縣歷城大隄共長一萬三千五百四十六丈三尺計十五里四十六丈三尺原高一丈五尺現存牽高一丈頂寬二丈今加

寬三丈每丈土三十方加高四尺收頂二丈五尺每丈土五方二共土四十五方統共用土六十萬零九千五百八十三方合銀九萬六千七百五十九兩 一南岸章邱齊東青城濱州蒲寨五州縣大隄共長三萬九千二百六十六丈計二百一十八里二十六丈原高一丈五尺現存率高九尺頂寬二丈今加寬三丈每丈土二十七方加高五尺收頂二丈五尺每丈土十八方七分五釐二共土四十五方七分五釐統共用土一百七十九萬六千四百一十九方共合銀二十八萬五千一百四十五兩 一南岸利津縣民埝改隄長一萬零四百九十四丈計五十八里五十四丈歷年奉明緩修殘缺淤墊現存舊埝率高三丈原寬二丈今擬築成高一丈二尺頂寬二丈五尺底寬十丈每丈除舊土六方應加土六十九方統共用土七十二萬四千八十六方共合銀一十一萬四千九百三十四兩 以上大隄共估銀一百二十二萬九千九百三十四兩 一北岸東阿平陰膠城長清齊河五縣民埝共長四萬七百二十九丈三尺計二百二十六里四十九丈三尺原修及歷次加培共高一丈及一丈一尺不等節次被淤現存率高七尺頂寬二丈今加寬三丈每丈土二十一方加高五尺收頂二丈七尺每丈土一十八方七分五釐二共三十九方七分五釐統共用土一百六十一萬八千九百八十九方每方照章給津貼銀一錢三分八釐共合銀二十二萬三千四百二十兩 一北岸歷城濟陽惠民濱州利津五州縣民埝共長六萬一千三百九十五丈五尺計三百四十一里一十四丈五尺原高一丈三尺現存率高九尺頂寬二丈今加寬三丈每丈土二十七方加高五尺收頂二丈五尺每丈土一十八方七分五釐二共土四十五方七分五釐共用土二百八十八萬零八千七百九十八方共合銀三十萬七千六百一十四兩 一南岸長清歷城章邱三縣民埝共長二萬七千丈計一百五十里原高八尺現存率高七尺頂寬二丈今加寬三丈每丈土二十一方加高五尺收頂二丈五尺每丈土一十八方七分五釐二共土三十九方七分五釐統共用土一百零七萬三千二百五十方共合銀一十四萬八千一百零八兩 一齊河以下一帶添建石壩十座設立水門兼用閘板每座需銀一萬六千兩共合銀十六萬兩 一徒駭河淤淺之處應挑濬五十六

以接長四萬九千八百六十丈挑成而寬八丈底寬二丈深一丈每丈土五十方共挑土二百四十九萬三千方又於新建水門之處至徒駭河應挑溝漕長二萬四千六百六十丈挑成而寬六丈底寬二丈深一丈每丈土四十方共挑土九十七萬六千四百方二共挑土三百四十七萬九千四百方按水工旱工各半率算每方計銀九分共合銀三十一萬三千一百四十六兩 以上建壩挑溝共估銀四十七萬三千一百四十六兩 一加幫隄埝墊溝坑並隄壓溝估民地應發地價以及委員薪水一切雜支共合銀十四萬兩 一購造挖泥機器船八隻每隻需銀一萬八千兩共合銀十四萬四千兩 一平陰應築護城隄長一千一百四十三丈七尺頂寬二丈底寬八丈高一丈二尺每丈土六十方共用土六萬八千六百二十二方每方計銀一錢五分八釐七毫三絲共合銀一萬八百九十二兩又擇要添築三合土壩四段合銀二千三百四十二兩二共合銀一萬三千二百三十四兩 一齊河縣應築護城隄長一千九百八十八丈九尺頂寬二丈底寬八丈高一丈二尺每丈土六十方共用土十一萬九千三百三十四方每方計銀一錢五分八釐七毫三絲共合銀一萬八千九百四十一兩又擇要添築三合土壩七段合銀五千四百二十九兩二共合銀二萬四千三百七十二兩 一濟陽縣應築護城隄長一千八百九十四丈四尺頂寬二丈底寬八丈高一丈二尺每丈土六十方共用土一十一萬三千六百六十四方每方計銀一錢五分八釐七毫三絲共合銀一萬八千零四十一兩又擇要添築三合土壩六段合銀五千四百四十二兩二共合銀二萬三千四百八十三兩 一齊東縣應築護城隄長二千七百三十七丈八尺頂寬二丈底寬八丈高一丈二尺每丈土六十方共用土一十六萬四千二百六十八方每方計銀一錢五分八釐七毫三絲共合銀二萬六千七百七十四兩又擇要添築三合土壩九段合銀八千二百五十四兩二共合銀二萬四千三百二十八兩 一蒲臺縣應築護城隄長一千二百六十八丈二尺頂寬二丈底寬八丈高一丈二尺每丈土六十方共用土七萬六千九百二十二方每方計銀一錢五分八釐七毫三絲共合銀一萬二千七百七十八兩又擇要添築三合土壩五段合銀七千八百七十三兩二共合銀一萬九千九百

五十一兩 一利津縣應築護城隄長一千六百四十三丈一尺頂寬二丈底寬八丈高一丈二尺每丈土六十方共用土九萬八千五百八十六方每方計銀一錢五分八釐七毫三絲共合銀一萬五千六百四十八兩又擇要添築三合土壩四段合銀三千二百三十七兩二共合銀一萬八千八百八十五兩 以上護城隄共估銀一十三萬四千一百五十一兩 總計本年應辦各工共估需銀二百八十八萬零四百七十三兩 奉上諭（二月十五日內閣奉上諭）山東黃河應辦各工關係緊要前

經諭令張曜核實估計需用銀兩奏明候撥茲據奏稱勘估增培隄埝添建石壩水門挑溝購船並護城大隄各工共需銀二百八十八萬五千餘兩除上年已撥之款尚有二十三萬三千餘兩請飭部撥銀二百六十四萬七千餘兩現已定期興工等語即著戶部查照所請數目迅速籌撥並先於部庫撥銀若干萬兩解赴山東以濟急需其餘銀兩該部等定的款分次陸續解往應用朝廷不惜巨帑爲民捍患該撫身膺重寄務將應辦各工督飭在工人員實心實力認真經理總期工歸實用不准絲毫虛糜至次年各隄埝應否幫寬加高之處著俟本年霜清後察看情形再行奏明辦理 山東河工成案 山東通志載齊河趙家莊劉家廟東阿陶家鋪各建閘一座

是月己卯（初九日）以江甯布政使許振禕爲河東河道總督清德宗實錄 豫河志載吳大澂丁憂是月十二日張曜奏爲報銷光緒十四年黃河上游動用防汛經費銀兩事竊照山東黃河道里綿長向分上下游委員設局防汛所需經費亦係分案造報光緒十四年下游防汛動用銀數業經臣具奏在案茲據河防局司道詳稱上游南北兩岸十四年因鄭工漫決遵旨將埽壩各工擇要脩並預備防汛事宜一切用項力求撙節計修雙合嶺孫樓等處埽工三十段挑水壩一道磨盤埽一座共用工

料銀三萬六千一兩零（錢分釐毫略下同）又雙合嶺大隄坐灣兜溜迭生奇險前經奏明退後添築套隄於十三年二月興工嗣因經費不敷緩至十四年五月接修完竣計長一千一百六十六丈築成底寬十丈頂寬三丈高一丈需用工價銀一萬五千三百七十七兩零二共用銀五萬一千三百十八兩零均係實支實銷並無扣存成平臣覆核無異山東河工成案

是月二十二日張曜奏爲報銷修補金隄並接築金隄尾閘大隄動用經費銀兩事竊照山東黃河北岸金隄計長一百十四里關係畿輔屏障年久失修殘缺殊甚光緒十三年經臣奏請將堵築徐家沙窩工需節省銀一萬六千兩擇要修理款少工長不過培長補缺伏秋兩汛危險異常復於鄭工漫口後挑挖河淤案內議請仍應修培如鄭州合龍在桃汛以後則爲日較寬挖淤工程營勇可以多做節省經費移以培修金隄等情於十三年十二月初十日奏明在案茲據河防局司道詳稱十四年春間挑挖河淤因桃汛以前鄭工未能堵合飭令營勇幫挑少僱人夫以期節省經費當查挖淤項下除用存銀七萬六千一百四十四兩四錢隨將金隄加高培厚並接築金隄尾閘大隄委員認真辦理惟此兩項工程估需銀十二萬九千二百餘兩挖淤節省祇有七萬六千餘兩不敷修培之用仍係擇要籌辦未能照原估丈尺普律大修核計濮州范縣壽張陽穀東阿五州縣金隄共用修費銀四萬四千七百七十二兩零（錢分釐毫略下同）接築金隄尾閘大隄用銀三萬一千七百七十九兩零二共請銷銀七萬六千五百五十一兩零均係實支實銷並無扣存成平臣覆核無異山東河工成案

是月倪文蔚奏再查廣武山黃門嘴山根坐居上游連年坍塌大河因之南臥全溜直瀉而下實爲滎

鄭各汛夷險攸關當經前河臣吳大澂履勘通工大局形勢奏派道員陸襄鉞前往揆度機宜於善後款內撥銀購辦稽料磚石修築柴芯大磚石壩一道以資挑托溜勢既可爲下游各工保障且足以假護山根地畝洵屬最要工程該壩築做完竣曾經奏明飭交上南河廳經管派弁看守而常年修防應須購備碎石加拋填墊壩戩殘缺均非籌款不能辦理茲與道廳悉心酌議擬請每年飭撥經費銀五千兩專作廣武山壩工歲修之用另行由道備文詳明赴司具領陸續發廳採購碎石存工備用不得與他款牽混以杜挪移影射霜後核實報銷 奉硃批著照所請該部知道黃運兩河修防章程

是月李鴻章奏爲東明黃河兩屆搶護安瀾遵保尤爲出力文武員弁事（前略）十四年夏間鄭工開放引河適當大汛期內波濤洶湧震撼全隄調派練軍不分晝夜挑土搶廂籍資抵禦是冬鄭工堵合全溜北駛又值隆冬冰塊與泥沙雜下緊逼壩前異常猛悍經大名練軍四營先排挑土二十萬方扼要增培並該員弁等百計搶護化險爲平十五年伏秋汛期水勢倍大上汛六堡十堡十一堡中汛十六七堡皆係異常巨險搶補新壩及沈墊舊壩動輒數十段隄壩坍塌傾數十丈成敗在於呼吸該員弁等督率河練兵夫分投搶辦烈日炎蒸之下怒濤震撼之時晝夜不停風雨無間用能挽回危局力遏狂瀾在事文武員弁甚衆惟格於定章自應核實刪減擇其尤爲出力者照章開列因大名向無河工須酌調地方人員協助亦應照案給獎據該道羅錦文會同大名鎮總兵徐道奎具稟前來臣覆核並無冒濫京報

閏二月初五日張曜奏爲續陳山東上游河防宜歸河臣兼管實在情形事竊臣於上年十二月具奏

請將曹州所屬濮州菏泽縣起至運河口止二百里河防撥歸河東河道總督管理恭奉硃批該部議奏欽此經工部議奏請敕下河東河道總督妥籌具奏等因欽奉諭旨依議欽此欽遵咨行到東臣查部臣原奏內稱山東河防九百餘里撫臣督率修防實有顧此失彼之慮東河總督所轄僅存現有七廳工程實已減於從前若將東境上游撥歸管理在河督多管二百里既非有加於舊制而山東巡撫少管二百里即可專力於下游一轉移間而煩簡難易適得其平等語是部臣亦深知人力之宜均而爲此度勢審時之議又以此段工程向由巡撫督率地方官兼管河督恐呼應不靈事屬東張恐多窒礙等語在部臣慎重河防不能再三詳審臣查向來沿河州縣本歸河臣兼轄從前黃河南行之時山東曹縣單縣均有河工卽歸河臣兼轄至今曹州府及曹單兩縣雖補員缺仍會河臣銜名遇有功過河臣均應舉劾是河臣尙無呼應不靈之患論者以河臣辦理河防則必設立廳汛專管費用較鉅不若地方官兼管爲較省此實因噎廢食之論河工用款之多寡視工程之險夷爲衡工多則用款亦多查上游直隸河防不及百里向來防汛用款不過十萬兩上年用至二十四萬兩山東上游二百里額定防汛經費八萬兩上年用至十八萬兩統計運河以西兩省河防不及三百里用至四十二萬兩又安得謂之省費至於從前河工糜費競尙奢華而風氣轉移在於大吏前河臣嚴烜由河工微末之員洊升河督在任十年弊絕風清款歸實用是大法小廉非河廳之官皆不肖也河工廳汛轄境分明而實任之員專責恭嚴一切修防必存久遠之見河營官兵均係子孫相傳生長河干河務練習今山東上游有河五州縣其城距河皆五六十里不等州縣有地方應辦公事黃河汛漲險工瞬息爲患州

縣未能常川駐工每易誤事如將上游河防撥歸河督管理設立廳汛專員責成下游七百里河防臣亦可接續辦理以爲久長之計臣爲因時制宜起見可否仰懇天恩敕下東河督臣一併籌議山東河工成案

是日張曜奏再上游曹州所屬河防河臣籌議尙需時日隄堰應修各工刻不容緩原派道員張上達前往辦理惟河道過長工程繁重東阿以下各工均屬緊要張上達奔馳河壩每慮兼顧爲難查兗沂曹濟道向係兼管河務該道員中衡才具明幹年力精強由工部司員簡授斯缺蒞任以來諸事均能實力整頓應令就近管理轄境河務講求修防以資練習 奉硃批著照所請山東河工成案

是日張曜奏爲核實勘估本年防汛需用經費銀數懇懇敕部定議核撥以重修防事（前略）查河工防汛搶險首重料物儲備宜寬一有缺乏立見誤事山東河道綿長河身淺窄每逢汛漲險工疊出廂護搶修用料既繁費款鉅鉅原定經費四十萬兩河營勇餉添夫口糧已去其半所餘廂修之費無多上年三汛盛漲搶護險工均經隨時奏報如濮州之辛寨高莊東阿之陶城埠平陰之陶家嘴肥城之傅家岸長清之陰河北店子齊河之高家套豆腐窩南壇丁家口歷城之濼口徐莊堰頭鎮秦家道口濟陽之葛家店紙坊齊東之計家園至馬札子二十餘里濱州之菜園均爲極險之工其餘緊要工段均須隨時搶護上年防汛用款共用銀八十八萬餘兩臣駐工督率目睹工程之危險用料之繁多至今思之猶爲心悸此防汛用款不免增多之實在情形也今部臣所議以險工多寡爲衡洵屬扼要之論臣維河流淤墊冲刷時有變遷夷險情形原無一定有昔險而今平者有昔平而今險者其年年出

險之區皆因對岸或有老灘挺出或山嘴石根逼溜直射則廂修尤爲繁費其明險爲人所共見者尙易爲防範若無形之險變生頃刻搶護倍難勢不能不逐段設廠堆料以備緩急以山東千里長河日增淤墊河身淺窄上年已處處有漫溢之虞現議增培分減各工撥款未到尙難迅告成功防護尤爲喫緊臣與河防局司道核實估計本年防汛所需擬請酌定八十萬兩竭力籌布但能勉敷應用斷不敢再行瀆請惟有籲懇天恩敕下部臣核計原定四十萬兩外再由部核撥銀四十萬兩以應工需以後常年防汛經費此時尙難預定未敢率爾請添如果河流順軌險工無多經費自可節省應俟本年霜後察看上下游形勢於工程喫緊處所詳細核明然後奏請額定 奉硃批該部議奏山東河工成案是月庚戌（初十日）倪文蔚奏河工拋築磚石一經悍溜仍患傾塌前河臣試用外洋塞門德士仿礮臺灌漿之法於磚石縫中調和澆灌黏成一片以期歷久不潰行之有效購辦之費請另冊開報 下部議清德宗實錄 工部奏此次試用塞門德士是否確有明效尙難逆睹如行用不能經久不得率行購用致河工增一鉅費豫河志

三月十二日張曜奏爲報銷堵築大寨西紙坊張村等處漫口動用經費銀兩事竊照上年伏秋兩汛期內黃水盛漲章邱之大寨歷城之西紙坊齊河之張村等處隄埝先後漫溢成口當經臣奏明堵築由部撥發款項以濟工需所有辦理情形及合龍日期節次具陳在案茲據河防局司道詳稱督飭承辦各員將用過工料銀兩逐加確核計堵築章邱大寨工程需銀十六萬一百四十八兩零（錢分釐毫略下同）堵築歷城縣西紙坊工程需銀十萬一千三百九十五兩零堵築齊河縣張村工程需銀三

萬六千一百五十二兩零三共需銀二十九萬七十六百九十六兩零均係實支實用並無扣存成平臣覆加查核尙無浮報情弊山東河工成案

是月二十四日張曜奏爲桃汛水漲各工防護平穩及修防情形事竊照本年閏二月十六日節交清明爲桃汛水漲之期節據上下游防營印委各員稟報連日逐漸水漲先後共漲五尺七寸臣於沿河察看工程所有應行加廂埽段先經總理河防道員張上達會辦河防道員李希杰督率廂修堅實俾資抵禦此次桃汛水漲大溜趨向尙無遷改惟山東河身狹窄卽桃汛水漲已疊出險工如濮州之楊家集東阿縣之陶城埠長清縣之董家寺齊河縣之曹家營南壇豆腐窩濟陽縣之葛家店龍王廟濱州之四甲楊家莊青城縣之馬鬬子莊等處埽壩均有墊陷卽經各防營委員隨時加廂增壓料土搶護無虞現在桃汛已過水勢稍消上下游防守險工一律平穩所有上下游兩岸應行增培隄埝各工已於二月二十日以後先後動工道員張上達李希杰督率印委各員按照原估工程認真辦理兗沂曹濟道中衡亦已赴曹屬工次並派吏部員外郎多培工部主事梁廷棟會同各道員稽查工料力求覈實山東河工成案

是日張曜奏再韓家垣海口各工因道員魏綸先辦事不苟委派會同道員李希杰籌辦臣亦親赴海口察核工程該處舊河身寬一百一十六丈有水之處寬四十丈一片浮淤經該道員督率工員奮勉力作務求穩實現在截築大壩業經工竣大溜不至分行出海甚爲順暢惟海潮黃流相接之處風勁浪高水勢洶湧運土較遠工作維艱所有添束水隄工約計四月十五日以前可期完竣山東河工成

案

四月口口日河東河道總督許振緯奏爲籌議山東曹州府所屬河防暫難撥歸微臣管理事臣查接管卷內准工部咨開光緒十六年正月二十七日日本部議復山東巡撫張曜奏請將曹州府所屬河道撥歸東河總督管理一摺飭下河東河道總督將此段工程可否暫歸管理無庸另議修守章程及防汛經費並將來工程能否有把握之處審慎詳籌通盤計畫務祈有裨大局妥籌具奏奉旨依議欽此又准工部咨開光緒十六年閏二月十四日內閣抄出山東巡撫張曜奏續陳山東上游河防宜歸河臣兼管一摺奉硃批工部知道欽此欽遵抄出到部查上年十二月山東巡撫奏請將曹州府所屬河防撥歸河道總督管理經本部議復飭河東河道總督妥籌具奏現在未據復奏據奏前因相應抄錄該撫原奏恭錄硃批飛咨河東河道總督歸入前摺一併妥議具奏等因准此臣聞事值爲難不得不變計而圖改作勢當慎重亦不能不審慎而求折衷自黃河改道東徙山前前後後撫臣勞於籌畫補救者三十年於茲矣而撫臣張曜尤爲終歲勤劬心力交盡其規畫之密才智之優可謂突過前人應在聖明洞鑒之中此次請將曹州府所屬河防撥歸河督管轄一議或因地段之太長或慮帑項之難繼微臣况瘁亦可想見一斑其實撫臣經營中外爲勇於任事之人河臣職在宣防亦撫畏難苟安之理但以黃河情形而論守成章則易爲力當倥偬則難見功目下河防自以山東爲極難假令如豫省上游有兩岸堅隄可資防禦有各廳營汛司專責成河勢不甚變遷用款均有著落則專管分管無所不可今之山東隄埝參差險工時出朝廷豈不深悉其難故向款程功無從限以定額知其每歲有

層見叠出之工故遂不能爲一勞永逸之計至於河臣所處除籌防督工外究屬浮寄孤懸用項資之
地方必先奏請而後資提不能朝聞而暮發款也地近可卽臨工若遠道亦必待稟報不能朝河南
而暮山東也呼應之不靈更張之窒礙部臣議之當矣臣與山東撫臣昔曾投分今益和衷同司水土
之勞敢有溜澗之別惟旣欲分轄而轉移則必當通盤而籌畫向來河臣所掌必修隄岸而設應汛卽
撫臣續陳一摺亦謂上游河防撥歸河督管理設立應汛專員責成是則築隄設官其勞費有萬不可
少者矣溯查光緒元年前河臣會國荃曾奏明查勘銅瓦廂以下直東豫三省應行修補南岸長隄及
設官修守條陳清單一摺內稱上游黃河大隄頂寬十餘丈不等今自蘭陽汛十堡起至運口十里埭
止計程三百餘里內惟菏泽縣新工下首隄工共一百九十餘里頂寬三丈底寬十丈高一丈四尺堪
資防守其餘民險或高寬數尺至丈餘不等且土性沙鬆已難禦禦汛水而蘭陽口門以下至長垣縣
境七十里則尙無隄岸如設官防守須先在該處興築隄工並將卑窄民埝一律培高厚以土方核
計銀數約非數十萬金不辦至每歲修守之資卽應預爲籌備查從前河南之蘭儀山東之曹河糧河
曹考等廳除另抬各案無一定之數而每歲修守約共需銀二十餘萬兩蘭儀歷由河南籌辦曹糧等
廳歷由山東籌撥今新隄創始每年實需銀兩原難預定必須試辦二年方知大概規模以後每廳每
年需購歲料若干歲麻若干甃石若干防銀若干似應就工程之多寡以定銀兩之數且此項工需
應計聖訓飭部預行議定指明山東河南照應撥款等因當經費支紳諭旨未卽允行邇來又事隔
十餘年河流之或有遷移隄岸之有無毋損修防工作更自不同卽如撫臣復疏稱上游直隸河防不

及百里向來防汛用款不過十萬上年用至二十四萬山東上游二百里額設防汛銀八萬兩上年用至十八萬兩統計運河以西兩省防汛不及二百里用至四十二萬兩等語是用款歲有不同又在會國荃所論之外矣目下伏汛將臨又當金門新造未滿兩年臣誠不敢舍其所急分身兼營祇好據實上陳敬祈皇上聖鑒可否仍歸撫臣管理不必遽議更張如實事在必行則仍如部臣之議工程可分諸河臣經費仍籌於本省應請飭下河南山東撫臣預籌此款臣於霜清安瀾後派委幹員逐節勘估繪圖貼說請旨定奪夫以從前會國荃之籌議合之今此工部之覆奏與山東撫臣所論皆非設官修守不可無論有無把握總以力籌鉅款爲先時事艱難臣實不敢孟浪 奉上諭（四月二十七日奉）上諭所奏尙係實在情形河工關係綦要必須地方大吏就近督辦庶可隨時搶護迅赴事機所有濮州等處上游河防應仍由山東巡撫管理以免紛更著張曜督飭所屬將各該處修守事宜認真籌辦毋稍疏虞黃運兩河修防章程

是月許振偉奏臣於三月二十二日接受東河河督篆務當即拜摺叩謝天恩二十四日即帶印渡河馳赴北岸工次閱視下北祥河衛糧黃沁四廳時桃汛已過河流甚屬平安一切春鑲加埽均由兼署河督撫臣早飭籌辦內惟衛糧廳所管之月石壩與黃沁廳所管之姚旗營兩處河溜不免分股斜衝坍塌灘岸居民正切驚惶臣仔細察視尙可早爲設法挑溜遠去當即派勇拋築磚石壩各一道若由此能遂保固則所費亦屬無多此籌辦北岸近日之情形也臣由武陟攔黃埕等處分囑道廳修守即從滎澤渡河馳抵南岸查自近年以來上南中河兩廳所管工段綿長大溜側注險工迭出此須隨時